



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Generales Abbates Ordinis Montis Virginis. cap. LII.

**urn:nbn:de:hbz:466:1-38372**

Sanctissimus Monachus, & Eremita vitam finijt, anno Domini 1142. die septimo Idij circa horam noctis mediam. Corporis reliquie hominibus relicte in eodem Monasterio, quod nunc nominis eius uocabulum retinet, sepultæ sunt: Anima uero Angelorum socianda choris Cælos penetrauit. Monachorum primus habitus Candidus, Humiliatorum, uti a nonnullis intellexi, omnino persimilis: mutatus deinde forma, non colore simul cum Regula eiusdem Patris, in Regulam S. P. N. Benedicti, suæq; Religionis Casinensis habitum, sed aliquot post annos, transformata sunt.

Beatus Albertus Fratibus a S. Gulielmo discedente, Abbas datus, in omni sanctitate oues sibi concreditas, toto eiusdem Patris tempore, rexit Monachos sapientia sua inflatos, ad humilitatis semitam reduxit, Monasterium in meliorem statum reparauit, & in tantum carus omnibus fuit, ut Sancto Patre Gulielmo defuncto, ad eius uices gerendas unanimit omnium consensu electus sit. Quam ille provinciam humiliter recusauit, & ut illam susceperet nec minis, nec blandimentis ullo modo adduci potuit, fugam minitans, si ad quod nollet, cogeretur. Intelligebat enim uir Sanctus, Sepe sapius superbiam & ambitionem in Prælatibus, & dignitatibus, latere, & ideo abiectus esse in domo Dei desiderans, ut alius eligeretur effecit, & postquam uitam, eamque sanctissimam duxisset, moriens, in Cimiterio Ecclesiæ suæ sepultus est.

*Generales Abbates Ordinis Montis Virginis.*

Cap. LII.



ROBERTVS, uir Religiosus, & prudens, anno 1142. statim post mortem Sancti Gulielmi, primi Monachorum Montis Virginis institutoris, a Fratibus qui tum aderant, in locum Alberti, qui eam dignitatem recusarat, primus Abbas Montis Virginis electus, inter alia priuilegia quæ ab Alexandro Papa 111. sibi, & suis successoribus donari impetrauit, illud præcipuum fuit, ut fratribus suis liceret, Regulam S. Gulielmi relicta, quæ nimis aspera, & dura uidebatur, Regulæ Diui Patris Benedicti colla supponere, quod ab eo initio susceptum, nostra etiam grate retinetur. Et cum sancte, & iuste aliquot annos Congregationem gubernasset, feliciter obdormiuit in Domino.

Beatus

Beatus Ioannes Abbas II. uestigijs prædecessorum suorum infestens, sanctitate, & bonorum operum exemplis, multas diuitias Monasterio suo peperit; Ecclesiam nouam in honorem. Deiparæ Virginis, præsentibus Archiepiscopis Beneuentano, & Salernitano, Episcopis 14. & Abbatibus quinque, aliorumque utriusque sexus, & dignitatis infinita multitudine, die undecimo mensis Nouembris, solenniter consecrari fecit: immunitatem Monasterij sui à Lucio Papa III. impetrauit; & tandem bonis operibus plenus, & miraculis, Demonum maximè eiectione clarus, migravit a corpore, anno Domini 1189. die 12. Maij, & in Monasterio suo sepultus, pro sancto ueneratur, & colitur.

Daniel, qui semper titulo Bonæ memoriæ decoratur, Abbas III. voluntate Ioannis prædecessoris sui electus, præfuit laudabiliter annis plus minus septem. Obijt anno 1195.

Gabriel Abbas IIII. priuilegia Ordinis sui à Cælestino Papa III. confirmati obtinuit.

Eustachius Abbas V.

Gabriel II. Abbas VI.

Donatus Abbas VII. Hic concessione Episcopi Casertæ, Monasterium in oppido Matalonæ edificauit an. 1208. Obijt circa an. 1220.

Ioannes I. K. Abbas VIII. multa Monasteria Congregationi suæ acquisiuit.

Philippus Abbas IX.

Marinus Abbas X. cognomento Diuinus.

Ioannes III. Abbas XI. pauco tempore superuixit.

Bartholomæus, Abbas XII. Sanctissimæ uitæ.

Gulielmus Abbas XIII.

Berardus Abbas XIII.

Gulielmus II. Abbas XV. uixit anno 1290.

Romanus Abbas XVI. uixit anno 1330.

Ioannes IIII. Abbas XVII.

Manfuetus Abbas XVIII.

Philippus II. Abbas XIX. uixit anno 1342. obijt 1347.

Vacauit Abbatia annis ferè duobus, sub Præpositis & Decanis.

Petrus Abbas XX. inuestitus a Clemente Papa VI. anno 1349. præfuit annis 40. obijt anno 1381.

Bartholomæus II. Abbas XXI. præfuit annis 10. Obijt an. 1390.

Pandullus, Abbas XXII.

Palamides, Abbas XXIII. Hic permutauit Abbatiam Montis Vir-

ginis cum Hugone Cardinali de Cypro, pro Abbatia S. Petri ad Aram in ciuitate Neapoli: & hæc permutatio facta est anno Domini 1430. ab eoque tempore Monasterium Montis Virginis gubernatum fuit per Abbates Commendatarios; Moriens autem Palamides sepultus est in cœnobio Montis Virginis retro altare.

*Vicarij Generales & Abbates Commendatarij, Montis Virginis. Cap. LIII.*



V 60 Lusignanus, Iacobi Regis filius, Græcus Cardinalis Cyprius, primus Commendatarius & Prælatus XXIII. anno 1430. præfuit annis 12. obiit priuatus in Sabaudia mense Augusto anno 1442.

Gulielmus Italus, Cardinalis Cyprius vulgò dictus, Commendatarius II. & Prælatus XXV.

Ioannes de Aragonia, Ferdinandi Regis filius, Neapolitanus, Cardinalis Presbyter S. Sabinæ, Commendatarius III. & Prælatus XXVI. Obijt anno 1485. Romæ.

Oliuerius Carrafa, Episcopus Card. Sabinus, & Archiepiscopus Neapolitanus, Commendatarius IIII. & Prælatus XXVII. Hic abstulit corpus S. Ianuarij Episcopi Beneuentani, & martyris, ex monasterio Montis Virginis, & Neapolim illud transtulit. Obijt Romæ 13. cal. Februarij anno 1511. & ad Mineruam primum, deinde Neapolim translatus in cathedrali Ecclesia conditus est.

Ludouicus de Aragonia, Neapolitanus, Regis Nepos Diaconus Cardinalis Sanctæ Mariæ in Cosmedin, Commendatarius V. & Prælatus XXVIII. Hic anno Domini 1515. liberè Commendam suam resignauit in manus Leonis Papæ X. ea conditione, vt Monasterium Montis Virginis perpetuo vniretur Hospitali S. Mariæ de Annunciata, quod est in ciuitate Neapolis; quod cum fecisset, Rectores illius Hospitalis possessionem acceperunt eodem anno die 18. Decembris. Hisque peractis, obiit Ludouicus Romæ anno 1519. die 2. cal. Februarij & sepultus est ad Mineruam.